

T2511/12736(29)

29

Lab D50 2°

95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29
38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68

CM 0 1 2 3 4 5 6 7 8 9 10 11 12 13 14 15 16 17

Harvard College Library/Imaging Services <http://imaging.harvard.edu>

AT HARVARD UNIVERSITY
HARVARD-YENCHING INSTITUTE
OF CHINESE STUDIES

1951 8 31

DEC 3 1962

趙世家第十三

史記四十三

趙氏之先與秦共祖至中衍

正義曰中音仲

為帝大戊

御其後世蜚廉有子二人而命其一子曰惡來

事紂為周所殺其後為秦惡來弟曰季勝其後

為趙季勝生子孟增孟增幸於周成王是為宅臯

狼

徐廣曰或云臯狼地名在西河○索隱曰按如此說是名孟增號宅臯狼而徐廣云臯狼地名在西河者按地理志

臯狼是西河郡之縣名甚無孟增幸於周成王成王居之於臯狼故云臯狼臯狼生衡父衡父

生造父造父幸於周繆王造父取驥之乘匹

正義曰乘食證反並四曰乘兩曰取入駿品其力使均馴

與桃林

正義曰括地志云桃林在陝州桃林縣西

至潼關皆為桃林塞地山海經云夸父之山北有桃林焉名曰桃林廣闊二百里中多馬造父於此得驥騶耳之乘獻周

哈佛大學漢和圖書館藏

穆王次盩驪驂騑綠耳獻之繆王索隱曰言造父取八駿品其色齊其分使

馴調也並四曰繆王使造父御西巡狩見西王母

樂之志歸索隱曰穆天子傳曰穆王與西王母觴於瑤池之上作歌是樂而志歸也而譙周不信此事而

云余常聞之代俗以東西陰陽所出入示其神謂之王父母或曰池名在西域有何據乎而徐偃王反

正義曰括地志云大徐城在泗州徐城縣北三十里古之徐國也博物志云徐君宮人娠生卵以為不祥棄於水濱孤獨

母有犬各鳴倉銜所棄卵以歸覆煖之遂成小兒生偃王故宮人聞之更收養之及長龍鬣為徐君後鵠倉臨死生角而九

尾實黃龍也鵠繆王曰馳千里馬攻徐偃王大破

倉或名后倉也之索隱曰誰周曰徐偃王與楚文王同時去周穆王遠矣且王者行有周衛豈聞亂而獨長駘日行千里乎並言此事

非實乃賜造父以趙城正義曰至日州趙城縣即造父邑也由此為

趙氏自造父已下六世至奄父曰公仲周宣王

時伐戎為御及千畝戰正義曰括地志云千畝原有晉州岳陽縣北九十里也

奄父脫宣王奄父生叔帶叔帶之時周幽王無

道去周如晉事晉文侯始建趙氏于晉國自叔

帶以下趙宗益興五世而生趙夙趙夙晉獻公

之十六年伐霍魏耿而趙夙為將伐霍霍公求

牛齊徐廣曰求一作來晉大旱卜之曰霍太山為祟使

趙夙召霍君於齊復之以奉霍太山之祀晉復

穰晉獻公賜趙夙耿索隱曰今河東皮氏縣耿鄉夙生共孟當

魯閔公之元年也共孟生趙衰字子餘索隱曰系平云公明

生共孟及趙夙夙生成季衰衰生宣孟孟者左傳云衰趙夙弟而此云共孟生衰譙周亦以此為誤趙衰卜

事晉獻公及諸公子莫吉卜事公子重耳吉即
事重耳重耳以驪姬之亂亡奔翟趙衰從翟伐
唐咎如得二女翟以其少女妻重耳長女妻趙
衰而生盾初重耳在晉時趙衰妻亦生趙同趙
括趙嬰齊趙衰從重耳出亡凡十九年得反國
重耳為晉文公趙衰為原大夫居原任國政隱
曰系本云成季從原宋忠云今雁門平原縣也。正義曰括地志云原平故城漢原平縣也在代州崞縣南三十五里崞音郭按宋忠說非也括地志云故原城在懷州濟原縣西北二里左傳云襄王以原賜晉又公原不服文公伐原以示信原降以趙衰為原大夫即此也原本周畿內邑也文公所以反國及霸多趙衰計策語在晉事中趙衰既反晉晉之妻固要

迎翟妻而以其子盾為適嗣晉妻三子皆下事
之晉襄公之六年而趙衰卒謚為成季趙盾代
成季任國政二年而晉襄公卒太子夷臯年少
盾為國多難欲立襄公弟雍雍時在秦使使迎
之太子母日夜啼泣索隱曰穆嬴即太子母也頓首謂趙盾曰先君
何罪釋其適子而更求君趙盾患之恐其宗與
大夫襲誅之迺遂立太子是為靈公發兵距所
迎襄公弟於秦者靈公既立趙盾益專國政靈
公立十四年益驕趙盾驟諫靈公弗聽及食熊
蹯膍不熟殺宰人持其尸出趙盾見之靈公由

此懼欲殺盾盾素仁愛人嘗所食桑下餓人反
扞救盾盾以得亡未出境而趙穿弒靈公而立
襄公弟黑臀是為成公趙盾復反任國政君子
譏盾為正卿亡不出境反不討賊故太史書曰
趙盾弒其君晉景公時索隱曰成公之子名據而趙盾卒謚
為宣孟子朔嗣趙朔晉景公之二三年朔為晉將
下軍救鄭與楚莊王戰河上朔娶晉成公姊為
夫人晉景公之二三年大夫屠岸賈欲誅趙氏徐廣
曰按年表救鄭及誅滅皆景公二年初趙盾在時夢見叔帶持要而
哭甚悲已而笑拊手且歌盾卜之兆絕而後好

趙史援占之曰此夢甚惡非君之身乃君之子
然亦君之外也至孫趙將世益衰屠岸賈者始有
寵於靈公及至於景公而賈為司寇將作難乃
治靈公之賊以致趙盾徧告諸將曰盾雖不知
猶為賊首以臣弒君子孫在朝何以懲辜請誅
之韓厥曰靈公遇賊趙盾在外吾先君以為無
罪故不誅今諸君將誅其後是非先君之意而
今妄誅妄誅謂之亂臣有大事而君不聞是無
君也屠岸賈不聽韓厥告趙朔趣亡朔不肯曰
子必不絕趙祀朔死不恨韓厥許諾稱疾不出

賈不請而擅與諸將攻趙氏於下宮殺趙朔趙
同趙括趙嬰齊皆滅其族趙朔妻成公姊有遺
腹走公宮匿趙朔客曰公孫杵臼杵臼謂朔友
人程嬰曰胡不死程嬰曰朔之婦有遺腹若幸
而男五奉之即女也吾徐死耳居無何而朔婦
免身生男屠岸賈聞之索於宮中夫人置兒絝
中祝曰趙宗滅乎若號即不滅若無聲及索兒
竟無聲已脫程嬰謂公孫杵臼曰今一索不得
後必且復索之奈何公孫杵臼曰立孤與死孰
難程嬰曰死易立孤難耳公孫杵臼曰趙氏先

君遇子厚子彊爲其難者吾爲其易者請先死
乃二人謀取他人嬰兒負之衣以文葆

徐廣曰小兒被曰葆

匿山中程嬰出謬謂諸將軍曰嬰不肖不能立
趙孤誰能與我千金吾告趙氏孤處諸將皆喜
許之發師隨程嬰攻公孫杵臼杵臼謬曰小人
哉程嬰昔下宮之難不能死與我謀匿趙氏孤
兒今又賣我縱不能立而忍賣之乎抱兒呼曰
天乎天乎趙氏孤兒何罪請活之獨殺杵臼可
也諸將不許遂殺杵臼與孤兒諸將以爲趙氏
孤兒良已死皆喜然趙氏真孤乃反在程嬰卒

與俱匿山中居十五年晉景公疾卜之大業之
後不遂者為祟景公問韓厥厥知趙孤在乃曰
大業之後在晉絕祀者其趙氏乎夫自中衍者
皆言嬴姓也中衍人面鳥喙降佐殷帝大戊及周
天子皆有明德下及幽厲無道而叔帶去周適
晉事先君文侯至于成公世有立功未嘗絕祀
今吾君獨滅趙宗國人哀之故見龜策唯君圖
之景公問趙尚有後子孫乎韓厥具以實告於
是景公乃與韓厥謀立趙孤兒召而匿之宮中
諸將入問疾景公因韓厥之衆以脅諸將而見

趙孤趙孤名曰武諸將不得見乃曰昔下宮之
難屠岸賈為之矯以君命并人叩羣臣非然孰敢
作難微君之疾羣臣固且請立趙後今君有命
羣臣之願也於是召趙武程嬰安徧拜諸將遂反
與程嬰趙武攻屠岸賈滅其族次復與趙武田邑
如故徐廣曰推次晉復與趙武田邑是景公之十七年也而乃是春秋成公八年經書晉殺其大夫趙同趙括
左傳於此說立趙武事者註云終說之耳非此年也及趙武冠為成人程嬰乃
辭諸大夫謂趙武曰昔下宮之難皆能死我非
不能死我思立趙氏之後今趙武既立為成人
復故位我將下報趙宣孟與公孫杵臼趙武啼

泣頓首固請曰武願苦筋骨以報子至死而子
 忍去我死乎程嬰曰不可彼以我為能成事故
 先我死今我不報是以我事為不成遂自殺趙
 武服齊衰三年為之祭邑春秋祠之世世勿絕
 新序曰程嬰公孫杵曰可謂信友厚士也
 過矣○正義曰今何東趙氏祠先人猶曰
 趙氏復位十一年而晉厲公殺趙盾大夫三郤欒
 書畏及乃遂弒其君厲公更立靈公曾孫周餘
 日年表云襄公孫也○索隱曰晉日晉日系家云襄公少子名周是為悼公晉由此大夫
 稍彊趙武續趙宗二十七年晉景公立平公十
 二年而趙武為正卿十三年吳延陵季子使於

晉曰晉國之政卒歸於趙武子韓宣子魏獻子

之後矣趙武死謚為文子文子生景叔索隱曰系本云景叔

名景叔之時齊景公使晏嬰於晉徐廣曰平公晏之十九年

嬰與晉叔向語嬰曰齊之政後卒歸田氏叔向

亦曰晉國之政將歸六卿六卿侈矣而吾君不

能恤也趙景叔卒生趙鞅是為簡子趙簡子在

位晉頃公之九年簡子將合諸侯戍于周其明

年入周敬王于周辟弟子朝之故也晉頃公之

十二年六卿以法誅公族祁氏羊舌氏分其邑

為十縣六卿各令其族為之大夫晉公室由此

益弱後十三年魯賊臣陽虎來奔趙簡子受賂
厚遇之趙簡子疾五日不知人大夫皆懼醫扁
鵲視之出董安子問韋昭曰安子簡子家臣扁鵲曰血脉治
也而何怪在昔秦繆公嘗如此七日而寤寤之
日告公孫支與子輿索隱曰二子秦大夫公孫支子桑曰我之帝所
甚樂吾所以久者適有學也帝告我晉國將大
亂五世不安其後將霸未老而死霸者之子且
令而國男女無別公孫支書而藏之索隱曰藏一作藉藉錄也
謂當時即記錄書之於藉也秦識於是出矣獻公之亂文公之
霸而襄公敗秦師於穀而歸縱淫此子之所聞

今主君之疾與之同不出三日疾必間間必有
言也居二日半簡子寤語大夫曰我之帝所甚
樂與百神游於鈞天廣樂九奏萬舞不類三代
之樂其聲動人心有一熊欲來援我帝命我射
之中熊能死又有一罷熊來我又射之中罷熊死
帝甚喜賜我二笥皆有副吾見兒在帝側帝屬
我一翟犬曰及而子之壯也以賜之帝告我晉
國且世衰七世而亡正義曰謂晉定公出公哀公幽公
烈公孝公靜公為七世靜公二年
為三晉所滅據此及年表言旃姓將大敗周人於范魁
之西止義曰言旃趙姓也周人謂衛也晉亡之後趙成侯而
三年簡取都鄙七十三是也賈逵云川卓曰魁也

亦不能有也索隱曰范魁地名不知所在蓋趙地也今余思虞舜之勲

適余將以其胄女子孟姚配而七世之孫索隱曰即姓孟吳廣

之女姚姓孟字也七代孫武靈王也董安于受言而書藏之以扁鵲

言告簡子簡子賜扁鵲田四萬畝他日簡子出

有人當道辟之不去從者怒將刃之當道者曰

吾欲有謁於主君從者以聞簡子召之曰嘻吾

有所見子晰也索隱曰簡子見當道者乃寤曰嘻是故吾前夢所見者知其名曰子晰也當

道者曰屏左右願有謁簡子屏人當道者曰主

君之疾臣在帝側簡子曰然有之子之見我我

何為當道者曰帝令主君射熊與羆皆死簡子

曰是且何也當道者曰晉國且有難主君首

之帝令主君滅二卿夫熊與羆皆其祖也正義曰

行氏之祖也簡子曰帝賜我二笥皆有副何也正義曰副謂皆子姓

也當道者曰主君之子將克二國於翟皆子姓

也正義曰謂代及智氏也簡子曰吾見兒在帝側帝屬我一

翟犬曰及而子之長以賜之夫兒何謂以賜翟

犬當道者曰兒主君之子也翟犬者代之先也

主君之子且必有代及主君之後嗣且有革政

而胡服正義曰今時服也發除裘裳也并二國於翟正義曰武靈王

葭西略胡地至樓煩榆中是也簡子問其姓而延之以官當道者

曰臣野人致帝命耳遂不見簡子書藏之府異
日姑布子卿見簡子司馬彪曰姑布姓子卿字簡子徧召諸子
相之子卿曰無為將軍者簡子曰趙氏其滅乎
子卿曰吾嘗見一子於路殆君之子也簡子召
子母卹母卹至則子卿起曰此真將軍矣簡子
曰此其母賤翟婢也奚道貴哉子卿曰天所授
雖賤必貴自是之後簡子盡召諸子與語母卹
最賢簡子乃告諸子曰吾藏寶符於常山上先
得者賞諸子馳之常山上求無所得母卹還曰
已得符矣簡子曰奏之母卹曰從常山上臨代

代可取也

正義曰地道記云恒山在上曲陽縣西北百四十里北行四百五十里得恒山峻号飛狐口北

則代郡也簡子於是知母卹果賢乃廢太子伯魯而

以母卹為太子後二年晉定公之十四年范中

行作亂明年春簡子謂邯鄲大夫午曰歸我衛

士五百家吾將置之晉陽

服虔曰往年趙鞅圍衛備人恐懼故貢五百家鞅置

之邯鄲又欲更徙於晉陽午許諾歸而其父兄不聽服虔曰午之

鄲中長老倍言趙鞅捕午囚之晉陽乃告邯鄲人曰

我私有誅午也諸君欲誰立

杜預曰午趙鞅同族別封邯鄲故使邯鄲人更

立午宗親也

遂殺午趙稷涉賈以邯鄲反服虔曰午子晉

君使籍秦圍邯鄲

左傳曰籍秦此時為上軍司為○索隱曰系本籍秦晉大夫籍游之孫籍

談之荀寅范吉射與午善
左傳曰午荀寅之甥荀寅

本云晉大夫逝歲生桓伯林父生宣伯庚生獻伯偃

偃生桓伯吳吳生寅本姓荀自荀偃將中軍晉改中軍曰中行因氏焉元與智氏同祖逝歲故智氏亦稱荀氏晉大夫

日終叔之子士蒍為之後後為生成伯缺使生武子會會生文叔燮

燮生宣叔句旬生獻也不肯助秦而謀作亂董安于

知之十月范中行氏正義曰按會食邑於范因為范氏

又中行寅本姓荀自荀偃將中軍

為中行因号中行氏元與伐趙鞅鞅奔晉陽晉人圍

智氏因承襲逝赦姓荀氏之范吉射荀寅仇人魏襄等謀逐荀寅以梁嬰

父代之賈逵曰梁嬰逐吉射以范臯繹代之服虔曰

側室荀躒言於晉侯曰服虔曰荀躒智文子君命大臣始亂

生武子瑩瑩生莊子朝朔生悼子盈盈

生文子樂樂生宣子申申生智伯瑤

者死今三臣始亂賈逵曰范而獨逐鞅用刑不均

請皆逐之十一月荀躒韓不佞魏哆奉公命以

伐范中行氏索隱曰不佞韓簡子哆不克范中行氏

反伐公公擊之范中行敗走了未二子奔朝歌

索隱曰范吉韓魏以趙氏為請服虔曰以其罪輕於荀

射荀寅也韓魏為請晉君而得入絳正義曰按趙鞅十二月辛未趙鞅入

絳盟于公宮其明年知伯文子謂趙鞅曰范中

行雖信為亂安于發之是安于與謀也晉國有

法始亂者死夫二子已伏罪而安于獨在趙鞅

自殺趙氏以告知伯然後趙氏寧孔子聞趙簡子不請晉君而執邯鄲午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請臯簡子曰大夫無罪吾聞千羊之皮不如一狐之腋諸大夫朝徒聞唯唯不聞周舍之鄂鄂是以憂也韓詩外傳曰周舍立於門下三日三夜簡子使問之曰子欲見寡人何事對曰願為鄂鄂之臣墨筆探牘從君之過而日有記月有成歲自效也簡子由此能附趙邑而懷晉人晉定公十八年趙簡子圍范中行于朝歌中行文子奔邯鄲索隱曰邯鄲荀寅也明年衛靈公卒簡子與陽虎送衛

太子蒯瞶于衛衛不內居戚

正義曰括地志云故戚戚在相州曹水縣東三十里杜預云戚衛邑在頓丘縣西有戚城是也

晉定公二十一年簡子拔邯

鄲中行文子奔栢人簡子又圍栢人中行文子

范昭子遂奔齊

索隱曰吉射也

趙竟有邯鄲栢人范中

行餘邑入于晉趙各晉卿實專晉權奉邑侔於

諸侯晉定公三十年定公與吳王夫差爭長於

黃池趙簡子從晉定公卒長吳定公二十七年

卒而簡子除三年之喪期而已是歲越王勾踐

滅吳晉出公十一年知伯伐鄭趙簡子疾使太

子母卹將而圍鄭知伯醉以酒灌擊母卹母卹

羣臣請死之母卹曰君所以置母卹為能忍詢
然亦愠知伯歸因謂簡子使廢母卹簡子
不聽母卹由此怨知伯晉出公十七年簡子卒

張華曰趙簡子冢在臨水界二冢併上氣成樓閣太子母卹代立是為襄子

趙襄子元年越圍吳正義曰年表及趙世家云左傳越滅吳在簡子三十五年已在襄子

元年前十五年矣何得更有越圍吳之事從此襄子降喪

食使楚隆問吳王正義曰左傳云哀公二十年簡子死而楚隆慰問王為哀公十二年簡子在黃池之役與吳王

曾言曰好惡同之故滅祭饌及問吳王也而趙世家及六國

年表云此年晉定公卒簡子除二年之喪服暮而襄子姊

前為代王夫人簡子既葬未除服北登夏屋徐廣

曰山在廣武。正義曰括地志云夏屋山一名西夏屋山今在

賈母山在代州雁門縣東北三十五里夏屋與句注山相接

蓋北方之險亦天下之請代王使厨人採銅正義曰

阻路所以分別內外也以食代王及從者行其陰令宰

作料其形方有柄取以食代王及從者行其陰令宰

斟水器說文云鈎也以食代王及從者行其陰令宰

人各徐廣曰一作維以料擊殺代王及從官遂與兵平

代地其姊聞之泣而呼天摩笄自殺代人憐之

所死地名之為摩笄之山正義曰笄今簪也括地志

名為山在蔚州飛狐縣東北百五十里魏土地記云代郡東

南二十五里有馬頭山趙襄子既殺代王使人迎其婦代王

夫人曰以弟慢夫非仁也以夫怨弟非遂以代封伯魯

義也摩笄自殺而死使者亦自殺也子周為代成君伯魯者襄子兄故太子太子蚤

死故封其子襄子立四年知伯與趙韓魏盡分

其范中行故地晉出公怒告齊魯欲以伐四卿

四卿恐遂共攻出公出公奔齊道死知伯乃立

昭公曾孫驕是為晉懿公索隱曰或作哀公其大父名雍即昭公少子驕戴子

也知伯益驕請地韓魏韓魏與之請地趙趙不

與以其圍鄭之辱知伯怒遂率韓魏攻趙趙襄

子懼乃奔保晉陽原過從後至於王澤正義曰王澤澤在絳州正平縣南七里也見三人自帶以上可見自帶以下

不可見與原過竹二節莫通曰為我以是遺趙

毋郵原過既至以告襄子襄子齊三日親自剖

竹有朱書曰趙毋郵余霍泰山徐廣曰在河東永安縣山陽

侯天使也三月丙戌余將使女及滅知氏女亦

立我百邑余將賜女林胡之地至于後世且有

伉王亦黑龍面而鳥喙鬚髮麤顛大膺大匈脩

下而馮左衽界乘徐廣曰脩或作隨界一作介奄有河宗正義曰穆天子

傳云河宗之子孫則柏絮按蓋在龍門河之上流嵐勝二州之地也至于休溷諸貉正義曰音

陷自河宗休溷諸貉乃戎狄之地也南伐晉別正義曰趙南伐晉之別邑謂韓魏之邑也北

滅黑姑正義曰亦戎國襄子再拜受三神之令三國攻

晉陽歲餘引汾水灌其城城不浸者三版正義曰何休云

八尺城中懸釜而炊易子而食羣臣皆有外心

禮益慢唯高共徐廣曰一作赫不敢失禮襄子懼乃夜

使相張孟同私於韓魏索隱曰戰國策作張子也談談者史遷之父各遷之列改為同
 韓魏與谷謀以三月丙戌三國反滅知氏共分
 其地於是襄子行賞高共為上張孟同曰晉陽
 之難唯共無功襄子曰方晉陽急羣臣皆辭惟
 共不敢失人臣禮是以先之於是趙北有代南
 并知氏疆於韓魏遂祠三神於自邑使原過主
 霍泰山祠祀正義曰括地志云三神祀今在霍山側也其後娶空
 同氏正義曰括地志云崆峒山在蘭州福祿縣東南六十里古西戎地又原州平高縣西百里亦有崆峒山即黃帝問廣成子道處俱是西戎地未知孰是生五子襄子為伯魯之不立
 也不肯立子且必欲傳位與伯魯子代成君成

君先死乃取代成君子浣立為太子

索隱曰伐成君名周伯魯

之子系本云代成君子起即襄子之子不云伯魯非也

襄子立三十三年卒浣

立是為獻侯獻侯少即位治中牟

地理志曰河南中牟縣趙獻侯

自耿徙此瓚曰中牟在春秋之時是鄭之疆內也及三卿分晉則在魏之邦土也趙界自漳水以北不及此春秋傳曰衛侯如晉過中牟按中牟非衛適晉之次也汲郡古文曰齊師伐趙東鄙圍中牟此中牟不在趙之東也按中牟當潔水之北。索隱曰此趙中牟在河北非鄭之中牟。正義曰按五鹿在魏州元城縣東十二里鄴即相州蕩陽縣西五十八里有牟山蓋中牟邑在此山側也
 襄子弟桓子逐獻侯自立於代索隱曰系本云襄子子桓子與此不同
 一年卒國人曰桓子立非襄子

意乃共殺其子而復迎立獻侯十年中山武公

初立

徐廣曰西周桓公之子桓公者孝王弟而定王子。索隱曰中山古鮮虞國姬姓也系本云中山武公居

顧桓公徒靈王所滅不言誰之子孫

十三年

城平邑

地理志曰代郡有平邑縣

十五年獻侯卒子烈侯藉立

烈侯元年魏文侯伐中山使太子擊守之六年

魏韓趙皆相立為諸侯追尊獻子為獻侯烈侯

好音謂相國公仲連曰寡人有愛可以貴之乎

公仲曰富之可貴之則否烈侯曰然夫鄭歌者

槍石二人

索隱曰槍音七羊反槍與石二人名

吾賜之田人萬畝公

仲曰諾不與居一月烈侯從代來問歌者田公

仲曰求未有可者有頃烈侯復問公仲終不與

乃稱疾不朝番吾君

徐廣曰番音盤常山有番吾縣正義曰括地志云番吾故城

在恒州房山縣東二十里番蒲古今音異耳

自代來謂公仲曰君實好善

而未知所持今公仲相趙於今四年亦有進士

乎公仲曰未也番吾君曰牛畜荀欣徐越皆可

公仲乃進三人及朝烈侯復問歌者田何如公

仲曰方便擇其善者牛畜侍烈侯以仁義約以

王道烈侯迫然

正義曰迫音由古字與攸同言牛畜以仁義約以王道故止歌者田攸攸氣行

見寬也

明日荀欣侍以選練舉賢任官使能明日

徐越侍以節財儉用察度功德所與無不充君

說烈侯使使謂相國曰歌者之田且止官牛畜

為師荀欣為中尉徐越為內史

正義曰漢書百官公卿表云少府內

史周官秦因賜相國衣二龍襲單復具九年烈侯卒

第武公立索隱曰誰周云系本及說趙語者並無其事蓋別有所據武公十三年

卒趙復立烈侯太子章是為敬侯是歲魏文侯

卒敬侯元年武公子朝作亂不克出奔魏趙始

都邯鄲二年敗齊于靈丘地理志曰代郡有靈丘縣三年救魏

于廩丘大敗齊人四年魏敗我兔臺築剛平正義曰兔臺剛平在河北以侵衛五年齊魏為衛攻趙取我剛

平六年借兵於楚伐魏取棘蒲正義曰今趙州平棘縣古棘蒲邑

八年拔魏黃城杜預曰陳留外黃縣東有黃城。正義曰括地志云故黃城在魏州冠氏縣南

十里因黃溝為名按陳留外黃城非隨所別也

九年伐齊齊伐燕趙救燕十

年與中山戰于房子正義曰趙州房子縣是十一年魏韓趙共

滅晉分其地伐中山又戰於中人徐廣曰中山唐縣有中人亭。

正義曰括地志云中山故城一名中人亭在定州唐縣東北四十一里春秋時鮮虞國之中人邑也十二年敬

侯卒子成侯種立成侯元年公子勝與成侯爭

立為亂二年六月雨雪三年大戊午為相徐廣曰戊

一作伐衛取鄉邑七十三魏敗我藺正義曰地里志云屬西河郡也

四年與秦戰高安正義曰蓋在河東敗之五年伐齊于鄆

正義曰濮州鄆城縣是也魏敗我懷攻鄭敗之以與我長子地理志曰上黨

六年中山築長城伐魏敗涿澤正義曰涿音濁

徐廣云長杜有濁澤非也括地志云濁水源自蒲州解縣東北平地爾時魏都安邑韓趙伐魏豈河南至長杜也解縣濁

水近於魏圍魏惠王七年侵齊至長城正義曰齊都當是也

在齊州平陰縣太山記云太山西北有長城緣河經太山與

韓攻周八年與韓分周以為兩徐廣曰顯王二年周紀無此

九年與齊戰阿下徐廣曰戰一作會也正義曰十

年攻攻衛取甄十一年秦攻魏趙救之石阿正義

十二年秦攻魏少梁正義曰少梁故城在同州韓城縣南

趙救之十三年秦獻公使庶長國伐

魏少梁虜其太子座魏敗我澮取皮牢徐廣曰魏年表

成侯與韓

昭侯遇上黨十四年與韓攻秦十五年助魏攻

齊十六年與韓魏分晉封晉君以端氏徐廣曰在平陽

十七年成侯與魏惠王遇葛孽徐廣曰在馬丘

年與齊宋會平陸正義曰兗州縣也平陸城與即古厥國

二十年魏獻榮椽

因以為檀臺徐廣曰襄國縣有檀臺索隱曰劉氏云榮椽是良材可為椽登飾有光榮所以魏獻之故趙因用

之以為檀臺正義曰鄭玄云榮屋翼也說文云椽榱也屋

椽之兩頭起者為榮也括地志

云檀臺在洛州臨洛縣北二里

二十一年魏圍我邯鄲

二十二年魏惠王拔我邯鄲齊亦敗魏於桂陵

正義曰括地志云故桂城在曹州乘縣東北二十一里故老云此即桂陵也二十四年魏歸

我邯鄲與魏盟漳水上秦攻我蘭二十五年成

侯卒公子緜音薛與太子肅侯爭立索隱曰系本肅侯名語緜

敗亡奔韓肅侯元年奪晉君端氏徙處屯留正義

曰括地志云屯留故城在潞州縣東北三十里本漢屯留縣城也二十二年與魏惠王遇

於陰晉正義曰地里志云華陰縣魏之陰晉秦惠文王更名寧秦高帝更名華陰今屬華州

三年公子范襲邯鄲不勝而死四年朝天子六

年攻齊拔高唐七年公子刻攻魏首垣正義曰蓋在河

北也十一年秦孝公使商君伐魏虜其將公子卬

趙伐魏十二年秦孝公卒商君死十五年起壽

陵正義曰徐廣云在常州魏惠王卒十六年肅侯游大陵

徐廣曰太原有大陵縣亦曰陸。正義曰括地志云大陵城在并州文水縣北十三里漢大陵縣城出於鹿

門正義曰并州孟縣西有白鹿泓魏出自鹿山南海蓋鹿門在北山水之側也大戊午扣

馬呂忱曰扣牽馬曰耕事方急一日不作百日不食肅

侯下車謝十七年圍魏黃不克地理志曰山陽有黃縣。正義曰黃

城在魏州前拔之却築長城正義曰劉伯莊公姜從雲為魏今趙圍之矣中以北至代按趙長城從

蔚州北西至嵐州北盡趙界又十八年齊魏伐我我

疑此長城在潭水之北趙南界

決河水灌之兵去二十二年張儀相秦趙疵與

秦戰敗秦殺疵河西取我蘭離石二十三年韓

舉

徐廣曰韓將

與齊魏戰死于桑丘

地理志云泰山有桑丘縣正義曰括地

志云桑丘城在易州遂城縣界或云在泰山非也此時齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳師各萬人

來會葬于武靈王立

索隱曰各雍

武靈王元年

徐廣曰年表云魏敗

我趙

陽文君趙豹相梁襄王與太子嗣韓宣王

與太子倉來朝信宮

正義曰在洛州臨洛縣也

武靈王少未能

聽政博聞師三人左右司過三人及聽政先問

先王貴臣肥義加其秩國三老年八十月致其

禮三年城鄆四年與韓會于區鼠

正義曰蓋在河北

五年

娶韓女為夫人八年韓擊秦秦不勝而去五國相

王趙獨否曰無其實敢處其名乎令國人謂已

曰君九年與韓魏共擊秦秦敗我斬首八萬級

齊敗我觀澤

正義曰括地志云觀澤故城在魏州頓立縣東十八里也

十年秦取

我西都及中陽

徐廣曰年表云秦取中都西陽安邑十年秦敗我將軍英太原有中都縣西

河有中陽縣齊破燕燕相子之為君君反為臣十一

年王召公子職於韓立以為燕王

徐廣曰紀年亦云爾使樂

池送之

燕世家子之死後燕人共立太子平是為燕昭王無趙送公子職為燕王之事當是趙聞燕亂送立

職為燕王雖使樂池送之竟不能就。索隱曰燕系家無其事蓋是疎也今此云使樂池送之必是憑舊史為說且紀年

之書其說又同則

十三年秦拔我蘭虞將軍趙莊

正義曰本一作

楚魏王來過邯鄲十四年趙何攻

魏十六年秦惠王卒王遊大陵他日王夢見處

女鼓琴而歌詩曰美人熒熒兮顏若茗之榮

遂曰陵茗之草其華紫。正義曰茗音條毛詩疏云茗饒也。幽州謂之翹饒。蔓似燈豆而細葉似蒺藜而青其華細綠色。可生食味如小豆藿也。又本草經云陵茗生下濕水。命乎

命乎曾無我贏其素母遂曰言有命祿生遇其時人莫知也。止義曰按命名各也。贏

姓贏也言世眾名其美好曾無我好贏也。重言各呼者以談說眾也。異日王飲酒樂數言

所夢想見其狀吳廣聞之因夫人而內其女娃

言方言曰娃美也。孟姚也。徐廣曰古史考云內其女曰。吳有館娃之宮。姚。索隱曰孟姚吳廣女舜

之後故上文云余思虞舜之勳故命其胄女子孟姚以配而七代之孫是也。然後封虞在河東太陽山西有上虞城是亦曰

吳城虞吳音相近故舜後亦姓吳非獨太伯虞仲之裔。子孟姚甚有寵於王是為

惠后十七年王出九門徐廣曰在常山。正義曰本戰國時趙邑戰國策云本有

宮室而居趙武靈王改為九門。為野臺徐廣曰野一作望。正義曰括地志云野臺一名義臺在定州樂縣

西南西南六十二里。以望齊中山之境十八年秦武王與孟

說舉龍文赤鼎絕臙而死徐廣曰一作絕。趙王使

代相趙固迎公子稷於燕送歸立為秦王是為

昭王十九年春正月大朝信宮召肥義與議天

下五日而畢王北略中山之地至於房子正義曰趙州縣

也遂之代北至無窮西至河登黃華之上正義曰黃華蓋

西河側之山名也。召樓緩謀曰我先王因世之變以長南

藩之地屬阻障淦之險立長城又取藺鄆狼敗

林人

正義曰即林胡也

於在而功未遂今中山在我腹

心北有燕

正義曰地理志云趙分晉北有信都中山又得郡之高陽鄆州鄉東有清河之間又得渤海郡

東平舒等七縣在河

東有胡

正義曰趙東有瀛州之東北營州之境即東胡烏丸

之地服虔云東胡烏丸之先後為鮮卑也

西有林胡樓煩秦韓之邊

正義曰林

胡樓煩即嵐勝之北也嵐勝以南南石州離石蘭等七國時趙邑邊也秦隔河也晉洛潞澤等州皆七國時韓地為並趙西

境而無疆兵之救是亡社稷奈何夫有高世之

名必有遺俗之累吾欲胡服樓緩曰善羣臣皆

不欲於是肥義侍王曰簡襄主之烈計胡翟之

利為人臣者寵有孝悌長幼順明之節通有補

民益主之業

正義曰寵貴寵也通達理也凡為人臣有孝弟長幼順明之節制者得貴寵也有補

民益主之功業者為達理也

此兩者臣之分也令吾欲繼襄主

之跡開於胡翟之鄉而卒世不見也

正義曰卒子律反盡也言

盡世間不見補民益主之忠臣也

為敵弱

正義曰我為胡服敵入必困弱也

用力少

而功多可以毋盡百姓之勞而序往古之勳

曰厚重也往古謂趙簡子襄子也

夫有高世之功者負遺俗之累

正義曰負留也言古周公孔子留衣冠禮義之俗今變為胡服是負留風俗之譴累也

有獨智之

慮者任教焉民之怨

正義曰言世有獨計智之思慮者必任隱逸教慢之民怨望也

今吾

將胡服騎射以教百姓而世必議寡人奈何肥

義曰臣聞疑事無功疑行無名王既定負遺俗

之慮殆無顧天下之議矣夫論至德者不和於

俗成大功者不謀於衆昔者舜舞有苗禹袒裸
國非以養欲而樂志也務以論德而約功也愚
者闇成事智者覩未形則王何疑焉王曰吾不
疑胡服也吾恐天下笑我也狂夫之樂智者哀
焉愚者所笑賢者察焉世有順我者胡服之功
未可知也雖驅世以笑我胡地中山吾必有之
於是遂胡服矣使王緹告公子成曰寡人胡服
將以朝也亦欲叔服之家聽於親而國聽於君
古今之公行也子不反親臣不逆君兄弟之通
義也徐廣曰兄弟一作元
夷始也夷平也令寡人作教易服而叔

不服吾恐天下議之也制國有常利民爲本從
政有經令行爲上明德先論於賤而行政先信
於貴今胡服之意非以養欲而樂志也事有所
止而功有所出正義曰鄭玄云止至也爲人君止於仁
爲人臣止於敬爲人子止於孝爲人父
止於慈與國人交止
於信按出猶成也事成功立然後善也今寡人恐
叔之逆從政之經以輔叔之議且寡人聞之事
利國者行無邪因貴戚者名不累故願慕公叔
之義以成胡服之功使緹謁之叔索隱曰請服
絕句請服
焉公子成再拜稽首曰臣固聞王之胡服也臣
不佞寢疾未能趨走以滋進也王命之臣敢對

因竭其愚忠曰臣聞中國者蓋聰明徇智之所居也徐廣曰五帝本紀云初而徇齊萬物財用之所聚也賢聖之所教也仁義之所施也詩書禮樂之所用也異敏技能之所試也遠方之所觀也蠻夷之所義行也今王舍此而襲遠方之服變古之教易古之道逆人之心而怫學者離中國故臣願王圖之也使者以報王曰吾固聞叔之疾也我將自往請之王遂往之公子成家因自請之曰夫服者所以便用也禮者所以便事也聖人觀鄉而順宜因事而制禮所以利其民而厚其國也

夫前翦髮文身錯臂左衽索隱曰錯臂亦文身謂以丹

衽謂右袒越故言甌越也輿地志云交趾周時為駱越秦時曰西甌文甌越之民也索隱曰劉氏云今珠崖儋耳謂之

越故言甌越也輿地志云交趾周時為駱越秦時曰西甌文

身斷髮避龍則西甌駱又在番禺之西南越及甌駱皆芋姓

也世本云越芋姓也與楚同祖是也黑齒劉逵曰以草染齒用白作

也與楚同祖是也黑齒劉逵曰以草染齒用白作

以青丹却冠徐廣曰戰國策作林縫紉亦縫紉之別

莫同其便一也鄉異而用變事異而禮易是以

聖人果可以利其國不一其用果可以便其事

不同其禮儒者一師而俗異中國同禮而教離

沉於山谷之便乎故去就之變智者不能一遠

史記卷一百一十五 南蠻西南夷列傳第五十五

近之服賢聖不能同窮鄉多異曲學多辨不知而不疑異於已而不非者公焉而衆求盡善也

今叔之所言者俗也吾所言之所以制俗也吾

國東有河薄洛之水徐廣曰安平經縣西有漳水津名薄洛津正義曰按安平縣屬定

州與齊中山同之正義曰爾時齊與中山相親中山趙也共薄洛水故言與齊中山同之須有

舟楫無舟楫之用自常山以至代上黨徐廣曰一

以下代上黨以東東有燕東胡之境而西有樓煩秦韓之

邊今無騎射之備故寡人無舟楫之用夾水居

之民將何以守河薄洛之水變服騎射以備燕

三胡秦韓之邊索隱曰林胡樓煩東胡是三胡也且昔者簡主不

塞晉陽以及上黨而襄主并戎取代以攘諸胡

此愚智所明也先時中山負齊之彊兵侵暴吾

地係累正義曰上音計下力追反吾民引水圍鄣微社稷之神

靈則鄣幾於不守也先王醜之而怨未能報也

今騎射之備近可以便上黨之形而遠可以報

中山之怨而叔順中國之俗以逆簡襄之意惡

變服之名以忘鄣事之醜非寡人之所望也公

子成再拜稽首曰臣愚不達於王之義敢道世

俗之聞臣之臯也今王將繼簡襄之意以順先

王之志臣敢不聽命乎再拜稽首乃賜胡服明

日服而朝於是始出胡服令也趙文趙造周昭

徐廣曰戰國策作紹紹音紹趙俊皆諫止王母胡服如故法便

王曰先王不同俗何古之法帝王不相襲何禮

之循處戲神農教而不誅黃帝堯舜誅而不怒

及至三王隨時制法因事制禮法度制令各順

其宜衣服器械各便其用故禮也不必一道而

便國不必古聖人之興也不相襲而王夏殷之

衰也不易禮而滅然則反古未可非而循禮未

足多也且服奇者志淫則是鄒魯無奇行也索隱

曰按鄒魯好長纓是奇服也服非其志皆淫僻也而有孔門顏冉之屬豈是無奇行哉俗僻者民易

則是吳越無秀士也索隱曰言方俗僻處山谷而人皆改易不通大化則是吳越無秀士

何得有延州來及大夫種之屬哉且聖人利身謂之服便事謂之

禮夫進退之節衣服之制者所以齊常民也非

所以論賢者也故齊民與俗流賢者與變俱故

諺曰以書御者不盡馬之情以古制今者不達

事之變循法之功不足以高世法古之學不足

以制今子不及也遂胡服招騎射二十年王略

中山地至寧葭索隱曰一作蔓葭縣名在中山也西略胡地至榆

中正義曰勝州北河北岸也林胡王獻馬歸使樓緩之秦仇

液之韓王賁之楚富丁之魏趙爵之齊代相趙

固王胡致其兵二十一年攻中山趙祗為右軍

許鈞為左軍公子章為中軍王弁將之牛翦將

車騎趙希并將胡代趙與之陘徐廣曰一作陸又

之陘陘者山絕之名常山有井陘中山有苦陘上黨有關與

○正義曰與音與陘音荆陘陘山也在并州陘縣東南十八

里然趙希并將代趙之兵與諸軍向井陘之側共合軍曲

陽徐廣曰上曲陽在常山下曲陽在鉅鹿○正義曰括地

志云上曲陽故城在定州曲陽縣西五里按合軍曲陽

即上曲陽也以攻取丹丘正義曰蓋邢華陽正義曰括

在常山郡也臺五曰太一宮按此岳恒山在定州恒陽縣北百四十里

鷓鴣之塞正義曰上昌之反下先代反徐廣曰鷓鴣一作鴻上

上關城也又有鴻上水源出唐縣北葛洪山接北王軍取

岳恒山與鴻上塞皆在定州然一本作鳴字誤也

鄣石邑徐廣曰在常山○正義曰括地志云石邑故封龍

正義曰括地志云封龍山一名飛龍山在東垣中山獻

四邑和王許之罷兵二十三年攻中山二十五

年惠后卒索隱曰謂武靈王之后前太子章之母惠文王

之嫡母也惠后卒後吳姓始當正室至孝成二

年稱惠文后卒是也而下文又云吳姓死使周祗胡服

後姓子何寵衰故太子欲兩王之是誤也

傳王子何二十六年復攻中山攘地北至燕代

西至雲中九原二十七年五月戊申大朝於東

宮傳國立王子何以為王王廟見禮畢出臨朝

大夫悉為臣肥義為相國并傳王是為惠文王

惠文王惠后吳姓子也武靈王自號為主父主

父欲令子主治國而身胡服將士大夫西北略胡地而欲從雲中九原直南襲秦於是詐自為使者入秦秦昭王不知已而怪其狀甚偉非人臣之度使人逐之而主父馳已脫關矣審問之乃主父也秦人大驚主父所以入秦者欲自略地形因觀秦王之為人也惠文王徐廣曰元年以公子勝為相封原二年主父行新地遂出代西遇樓煩王於西河而致其兵三年滅中山遷其王於膚施徐廣曰在上郡起靈壽徐廣曰在常山北地方從代道大通還歸行賞大赦置酒酺五日封長子章為代

正義曰今延州膚施縣也

起靈壽

徐廣曰在常山

北地方從代道大

原二年主父行新地遂出代西遇樓煩王於西河而致其兵三年滅中山遷其王於膚施徐廣曰在上郡

安陽君

正義曰括地志云東安陽故城在朔州定襄縣界地志云東安陽縣屬代郡

章素侈

心不服其弟所立主父又使田不禮相章也李兌謂肥義曰公子章彊壯而志驕黨眾而欲大殆有私乎田不禮之為人忍殺而驕二人相得必有謀陰賊起一出身徼幸夫小人有欲輕慮淺謀徒見其利而不顧其害同類相推俱入禍門以吾觀之必不久矣子任重而勢大亂之所始禍之所集也子必先患仁者愛萬物而智者備禍於未形不仁不智何以為國子奚不稱疾母出傳政於公子成母為怨府母為禍梯肥

義曰不可昔者主父以王屬義也曰母變而度
母異而慮堅守一心以歿而世義我再拜受命而
籍之今畏不禮之難而忘吾籍變孰大焉進受
嚴命退而不全負孰甚焉變負之臣不容於刑
諺曰死者復生生者不愧正義曰肥義報李兌云必
盡傳何為王不可懼章及
田不禮而生異心使死者復更變生并見在
生者並見傳王無變令我不愧之若荀息也吾言已在
前矣吾欲全吾言安得全吾身且夫貞臣也難
一至而節見忠臣也累至而行明子則有賜而忠
我矣雖然吾有語在前者也終不敢失李兌曰
諾子勉之矣吾見子已今年耳涕泣而出李兌

數見公子成以備田不禮之事異日肥義謂信

期曰

索隱曰即下文高信也
正義曰上音申也

公子與田不禮甚可

憂也其於義也聲善而實惡此為人也子不
臣吾聞之也女媀臣在朝國之殘也讒臣在中主
之蠹也此人貪而欲大內得主而外為暴矯令
為慢以擅一日之命不難為也禍且逮國今吾
憂之夜而忘寐飢而忘食盜賊出入不可不備
自今以來若有召王者必見吾面我將先以身
當之無故而王乃入信期曰善哉吾得聞此也
四年朝羣臣安陽君亦來朝主父令王聽朝而

自從旁觀窺羣臣宗室之禮見其長子章儼然也反北面為臣詘於其弟心憐之於是乃欲分趙而王章於代計未決而輟主父及王游沙丘異宮正義曰在邢州平鄉縣東北二十里矣公子章即以其徒與田不禮作亂詐以主父令召王肥義先入殺之高信即與王戰公子成與李兌自國至乃起四邑之兵入距難殺公子章及田不禮滅其黨賊而定王室公子成為相號安平君李兌為司寇公子章之敗往走主父主父聞之索隱曰開謂開門而者非也譙周及孔衍皆作閉之閉謂藏也。正義曰謂不責其反叛之罪容其入官藏也成兌因圍主

父宮公子章死公子成李兌謀曰以章故圍主父即解兵吾屬夷矣乃遂圍主父令宮中人後出者夷宮中人悉出主父欲出不得又不得食探爵馘而食之其母遂曰馘爵子也。索隱曰生受哺者謂之馘三月餘而餓死沙丘宮應劭曰武靈王葬代郡靈立縣。正義曰括地志云趙武靈王墓在蔚州靈立縣東三十里應說主父定死乃發喪赴諸侯是時王少成兌專政畏誅故圍主父主父初以長子章為太子後得吳娃愛之為不出者數歲生子何乃廢太子章而立何為王吳娃死愛弛憐故太子欲兩王之猶豫未決故亂起以至父子俱死為天

下笑豈不痛乎

徐廣曰或無此十四字

主父死惠文王立立

五年與燕鄭易

徐廣曰皆屬涿郡鄭音莫

八年城南行唐徐廣曰在

常山○正義曰行唐唐屬冀州為南行唐縣城

九年趙梁將與齊合

軍攻韓至魯關下

正義曰劉伯莊云蓋在南河魯陽關按汝州魯山縣古穀陽縣

及

十年秦自置為西帝十一年董叔與魏氏伐宋

得河陽於魏秦取梗陽

杜預曰太原晉陽縣南梗陽城也○索隱曰地理志云太

原榆次有梗陽鄉與杜預所據小別也○正義曰括地志云梗陽故城在并州清源縣南百二十步分晉陽縣置本漢榆

次縣地春秋晉大夫祁氏邑也

十一年趙梁將攻齊十三年韓徐

為將攻齊公主死

索隱曰蓋吳姓女惠文王之妹

十四年相國樂

毅將趙壽朝魏共立

索隱曰年表及韓魏等系家五國攻

齊在明年然此下文十五年重擊齊是此文為得蓋此年同伐齊耳○正義曰蔚丘縣也

與秦會中陽

正義曰括地志云中陽故縣在汾州偃城縣南十里漢中陽縣也

十五年燕昭王來見

趙與韓魏秦共擊齊齊王敗走燕獨深入取臨

菑十六年秦復與趙數擊齊人患之蘇厲為齊

遺趙王書曰臣聞古之賢君其德行非布於海

內也教順非洽於民人也祭祀時享非數常於

鬼神也甘露降時雨至年穀豐熟民不疾疫眾

人善之然而賢主圖之今足下之賢行功力非

數加於秦也怨毒積怒非素深於齊也秦趙與

國以疆徵兵於韓秦誠愛趙乎其實憎齊乎物

之甚者賢主察之秦非愛趙而憎齊也欲亡韓而吞二周故以齊餒天下恐事之不合故出兵以劫魏趙恐天下畏已也故出質以為信恐天下亟反也故徵兵於韓以威之聲耳以德與國實而伐空韓索隱曰與國趙也秦趙今為與國秦徵兵於韓共趙伐齊以威聲和趙是與國也臣以秦計為必出於此夫物固有勢異而慮同者楚久伐而中山亡今齊久伐而韓必亡破齊王與六國分其利也亡韓秦獨擅之彼二周西取祭哭秦獨私之賦田計功王之獲利孰與秦多說士之計曰韓亡三川正義曰河南之魏亡晉國地兩州之閭

正義曰河北之地安邑河內市朝未變而禍已及矣燕盡齊之

北地去沙丘鉅鹿斂二百里正義曰沙丘邢州鉅鹿也斂減也言破齊滅韓之後燕之南界秦也齊北界貝州之東界相去減二百里趙國在中間也矣韓之上黨去

邯鄲百里燕秦謀王之河山間二百里而通矣

秦之上郡正義曰鄜延等州也近挺關至於榆中者千五百

里秦以三郡攻土之上黨正義曰秦上黨郡今澤潞儀必等四州之地兼相州

之半韓物有之至十國時趙得儀必二州之地韓猶有潞州及澤州之半半屬趙魏必州在羊腸坂之西儀并代三州在

勾注山之南秦以三郡攻趙之澤潞則勾注之南趙無地然秦始皇置上黨郡此言之者太史公却引前書也他皆倣此

羊腸之西正義曰太行山坂道名勾注之南正義曰勾注山在代

州西非王有已踰勾注斬常山而守之三百里

北也

北也

而通於燕代馬胡犬不東下正義曰言秦踰勾注山

馬胡犬不東入趙沙州崑山之玉亦不出至趙矣郭璞云胡地野大似狐而小昆山之玉不出

此二寶者亦非王有已王久伐齊從疆秦攻韓

其禍必至於此願王孰慮之且齊之所以伐者

以事王也正義曰以趙王為事也而秦必伐之也天下屬行以謀王也

正義曰上音燭下胡部反言秦欲今齊稱帝與約五國共滅趙三分趙地燕秦之約成而兵

出有日矣五國二分王之正義曰謂秦齊韓魏齊

倍五國之約而殉王之患正義曰齊王以身從趙王之患也西兵以

禁疆秦秦廢帝請服正義曰言秦齊相約欲更重稱帝故言廢帝也反高

平根柔於魏徐廣曰紀年云魏哀王四年改陽曰河雍向日高平根柔一作蠶柔一作平柔○正

義曰返還也括地志云高平故城在懷州河陽縣西四十里紀年云魏哀王改向日高平也根柔未詳兩邑魏地也反

至分徐廣曰一作王公至音胡鼎反先俞於趙徐廣曰爾雅曰西俞雁

那分字誤當作山字耳括地志云勾注山一名西陘山在代州鴈門縣西北四十里俞音戊郭注云西陘即鴈門山也按

西先聲相近蓋陘山西西陘二山之齊之事王宜為上佼

索隱曰佼猶行也而今乃抵臯正義曰謂共秦伐齊也臣恐天下後事

王者之不敢自必也願王孰計之也今王母與

天下攻齊天下必以王為義齊抱社稷而厚事

王天下必盡重王義王以天下善秦秦暴王以

天下禁之是一世之名籠制於王也於是趙乃

輟謝秦不擊齊王與燕王遇廉頗將攻齊晉陽

正義曰括地志云昔陽故城一名陽城在并州樂平縣東春秋釋地名云昔陽服國所都也樂平城治縣東昔陽城服姓自狄別種也樂平縣城漢治縣城也取之杜預曰樂平治縣有昔陽城十七年樂毅

將趙師攻魏伯陽正義曰括地志云伯陽故城一名邯鄲會城在相州鄴縣西五十五里七國

時魏邑漢邯鄲會城而秦怨趙不與已擊齊伐趙拔我兩城

十八年秦拔我石城正義曰地理志云右北平有石城縣括地志云石城在相州林慮縣

西南九十里疑王冉之衛東陽決河水正義曰括地志云東陽故

相州石城是也故言王冉之衛東陽伐魏氏

也伐魏氏大潦漳水出魏冉來相趙十九年秦

敗我二城趙與魏伯陽趙奢將攻齊麥立取之

二十年廉頗將攻齊王與秦昭王遇西河外徐廣

曰午表云與二十一年趙徙漳水武平西正義曰括地志云武平亭今名涓城在瀛州文安縣北七十二里按二十七年又徙漳水武平南二十二年大疫

置公子丹為太子二十三年樓昌將攻魏幾正義曰音祈傳云伐齊幾幾拔之又戰國策云秦敗關與及攻魏幾幾按幾幾或屬齊或屬魏當在相潞之間也不能

取十二月廉頗將攻幾取之二十四年廉頗將

攻魏房子徐廣曰屬常山拔之因城而還又攻安陽取

之二十五年燕周將攻昌徐廣曰屬齊郡。索隱曰燕周趙人為趙將。止義城高唐取之與魏共擊秦

秦將白起破我華陽正義曰括地志云故華陽城在鄭州管城縣南四十里曰馬彪云華陽亭在今洛州密縣是時魏韓趙聚兵於華陽西攻秦得一將軍二十六年取

陽亭在今洛州密縣是時魏韓趙聚兵於華陽西攻秦

東胡正義曰今歐代地索隱曰蓋東胡叛趙驅略二十

七年徙漳水武平南封趙豹為平陽君戰國策曰趙魏平陽

君惠文一河水出大潦二十八年蘭相如伐齊至

平邑正義曰括地志云平邑故城在魏州昌樂縣東北四十里也罷城北九門大

城正義曰恒州九門縣城燕將成安君公孫操弑其王徐廣曰

是燕武成王元年。索隱曰樂資云其王即惠王二十九年秦韓相攻而圍

閼與正義曰上於連反下音預括地志云閼與聚落今名城亦云韓閼與邑二所未詳又有閼與山在洛州武安縣西五十里蓋是也趙使趙奢將擊

秦大破秦軍閼與下賜號為馬服君正義曰因馬

虞喜志林云馬兵之首也號曰馬服者言龍服三十二年

馬也括地志云馬服山邯鄲縣西北十里也

惠文王卒太子丹立是為孝成王孝成王元年

徐廣曰平原君相也秦伐我拔三城趙王新立太后用事秦

急攻之趙氏求救於齊齊曰必以長安君正義曰長安君

者以長安善故名也為質兵乃出索隱曰孔衍云長安君惠文太后之

太后不肯大臣彊諫太后明謂左右曰復言長

安君為質者老婦必唾其面左師觸龍言願見

太后太后盛氣而胥之入胥猶須也穀梁傳曰胥其出也徐趨而

坐自謝曰老臣病足曾不能疾走不得見久矣

竊自怨而恐太后體之有所苦也故願望見太

后太后曰老婦恃輦而行索隱曰東哲云趙惠文王

子也如系家計之則武靈王十六年夢吳娃而納之至二十
七年王夢及惠文王二十二年卒孝成王元年遺長安君質
於齊若娃年二十八入王宮至此在六十左側亦可
稱老矣而東廣微言太后纒纒三十有奇者誤也
曰食得

母衰乎曰恃粥耳曰老臣聞者殊不欲食乃彊
步日三四里少益嗜食和於身也太后曰老婦
不能太后不和之色少解左師公曰老臣賤息
舒祺最少不肖而臣衰竊憐愛之願得補黑衣
之缺以衛王宮昧死以聞太后曰敬諾年幾何
矣對曰十五歲矣雖少願及未填溝壑而託之
太后曰丈夫亦愛憐少子乎對曰甚於婦人太
后笑曰婦人異甚對曰老臣竊以為媼之愛燕

后賢於長安君太后曰君過矣不若長安君之
甚左師公曰父母愛子則為之計深遠媼之送
燕后也持其踵為之泣念其遠也亦哀之矣已
行非不思也祭祀則祝之曰必勿使反豈非計
長久為子孫相繼為王也哉太后曰然左師公
曰今三世以前至於趙主之子孫為侯者其繼
有在者乎曰無有曰微獨趙諸侯有在者乎曰
老婦不聞也曰此其近者禍及其身遠者及其
子孫豈人主之子侯則不善哉位尊而無功奉
厚而無勞而挾重器多也今媼尊長安君之位

而封之以膏腴之地多與之重器而不及今今
有功於國一旦山陵崩長安君何以自託於趙
老臣以媼為長安君之計短也故以為愛之不
若燕后太后曰諾恣君之所使之於是為長安
君約車百乘質於齊齊兵乃出子義聞之索隱曰子義趙之賢人曰人主之子骨肉之親也猶不能持無功
之尊無勞之奉而守金玉之重也而況於子乎
齊安平君正義曰括地志云安平城在青州臨海縣東十九里下口細之鄰邑也田單將趙
師而攻燕中陽徐廣曰一作人○正義曰燕無中陽括地志云中山故城一名中人在亭在定州
唐縣東北四十一里爾時屬燕國也拔之又攻韓注人正義曰邑名也括地志云注城在汝

川梁縣西十五里蓋是其地也拔之二年惠文后卒田單為相四
年王夢衣偏褰之衣正義曰杜預去偏左右異色褰在中左右異故曰偏按褰衣背縫也
乘飛龍上天不至而墜見金玉之積如山明日
王召筮史敢占之曰夢衣偏褰之衣者殘也乘
飛龍上天不至而墜者有氣而無實也見金玉
之積如山者憂也後三日韓氏上黨守馮亭使
者至曰韓不能守上黨入之於秦其吏民皆安
為趙不欲為秦有城市邑十七願再拜入之趙
財王所以賜吏民王大喜召平陽君豹告之曰
馮亭入城市邑十七受之何如對曰聖人甚禍

無故之利王曰人懷吾德何謂無故乎對曰夫秦蠶食韓氏地中絕不令相通固自以為坐而受上黨之地也韓氏所以不入於秦者欲嫁其禍於趙也秦服其勞而趙受其利雖疆大不能得之於小弱小弱顧能得之於疆大乎豈可謂非無故之利哉且夫秦以牛田之徐廣曰一無此字正義曰秦蠶食韓氏國中斷不通夫牛耕田種穀至秋則收之成熟水之義也言秦代韓上黨黑勝有日矣若牛田之必其異收穫矣夫通糧正義曰秦從渭水漕糧東先蠶食上黨也入河洛軍擊韓上黨也先蠶食上黨也先蠶食上黨倍戰者正義曰乘承證反蠶食桑葉漸進必盡也司馬法云百畝為夫夫二為屋屋二為井井十為通通十為城城出革車一乘七十二人也上乘天下第一也倍戰力攻也韓國四戰之地軍士慣習倍於餘國裂上國之

地正義曰上國秦地也言韓上黨之地也以列為秦國之地其政已行趙不可與秦作難必莫與焉十七邑也

其政行不可與為難必勿受也王曰今發百萬

之軍而攻踰年歷歲未得一城也今以城市邑

十七幣吾國正義曰馮亭將十七邑入趙若幣帛之見遺此大利也此大利也

趙豹出王召平陵君與趙禹而告之對曰發百

萬之軍而攻踰歲未得一城今坐受城市邑十

七此大利不可失也王曰善乃令趙勝受地告

馮亭曰敝國使者臣勝敝國君使勝致命以萬

戶都三封太守正義曰兩時未合言太守至漢景帝始加太守此言太守字也千戶

都三封縣令皆世世為侯吏民皆益爵三級吏

民能相安皆賜之六人金馮亭垂涕不見使者曰
吾不處三不義也為主守地不能死固不義一
矣入之秦不聽主令不義二矣賣主地而食之
不義三矣趙遂發兵取上黨漢書曰馮奉世傳曰趙封馮亭為華陵君與趙將
括距秦戰死於長平宗族由是分散或在趙在趙者為官師將官師將子為代相及秦滅六國而馮亭之後馮無擇馮去疾馮劫皆為秦將相馮漢興馮唐即代相之子也上黨記云馮亭家在壺關城西五里廉頗將軍軍
長平正義曰括地志云長平故城在澤州高平縣西二十一里即白起敗括於長平處七年廉
頗免而趙括代將秦人圍趙括趙括以軍降卒
四十餘萬皆阬之王悔不聽趙豹之計故有長
平之禍焉王還不聽秦秦圍邯鄲徐廣曰在九年武垣

令徐廣曰河間有武垣縣本屬涿郡。正義曰括地志云武垣故城今瀛州城是也傅豹王容

蘇射率燕眾反燕地正義曰武垣此是屬趙與燕接境故云率燕眾反燕地也趙

以靈丘正義曰括地志云靈丘蔚州理縣也封楚相春申君八年平

原君如楚請救還楚來救及魏公子無忌亦來

救正義曰魏公子傳云趙王以鄒為公子湯沐邑年表云九年公子無忌救邯鄲圍在九年其文錯誤耳秦

圍邯鄲乃解十年燕攻昌壯徐廣曰一作杜。正義曰壯字誤當作城括地

志云昌城故城在冀州信都縣西北五里此時屬趙故攻之也五月拔之趙將樂乘慶

舍攻秦信梁軍破之徐廣曰年表云新中軍也。索隱曰信梁秦將也。正義曰信梁蓋

王齒号也秦本紀云昭襄王五十年王齒從唐拔寧新中軍新中更名安陽今相州理縣也年表云韓魏楚救趙新中軍秦兵罷太子死徐廣曰是年周赧王卒或者太子云是也太子死徐廣曰是年周赧王卒或者太子云是也而

秦攻西周拔之徒父祺出

索隱曰徒父趙大夫名祺正義曰趙見秦拔西周

故令徒父旗將兵出境也

十一年城元氏

地理志常山有元氏縣正義曰元氏趙州縣也

縣上原武陽君鄭安平死

徐廣曰故秦將降趙也

收其地十

二年邯鄲屠燒

徐廣曰庫廡之名音增也索隱曰屠積藹藹之處為火所燒也

年平原君趙勝死

索隱曰年表在十五年

十五年以尉文封

相國廉頗為信平君

索隱曰尉文蓋地名或曰尉官文名謂以尉文所食之地以封廉頗

也古文質略文省耳。正義曰尉文蓋尉州地也信平原廉頗号也言篤信而平和也

燕王令丞相

栗腹約驪以五百金為趙王酒還歸報燕王曰

趙氏壯者皆死長平其孤未壯可伐也王召昌

國君樂間而問之對曰趙四戰之國也其民習

兵伐之不可王曰吾以衆伐寡二而伐一可乎

對曰不可王曰吾即以五而伐一可乎對曰不

可燕王大怒羣臣皆以為可燕卒起二軍車二

千乘栗腹將而攻鄢郢秦將而攻代

索隱曰二人皆燕將姓名

廉頗為趙將破殺栗腹虜郢秦樂間

正義曰三人皆燕將姓也

十六年廉頗圍燕以樂乘為武襄君

正義曰襄舉也上也言樂

乘功最十七年假相大將武襄君攻燕圍其國十

八年延陵鈞

徐廣曰代郡有延陵縣

率師從相國信平君助

魏攻燕秦拔我榆次

徐廣曰在太原

三十七城十九年

趙與燕易土

索隱曰音亦謂與燕換易縣也

以龍允

正義曰括地志云北新城故城

在易州遂南城縣西南二十里按遂城縣西南二十五里有
龍山邢子勳趙記云龍山有四麓各有一穴大如車輪春風
出東北秋風出西夏風出南冬風出北不相奪倫按蓋謂龍兌也
州永樂縣有徐水出廣昌嶺三源奇發同瀉一澗流至北平
縣東南歷石門中俗謂之龍門水經其間奔激南出解石城
井蓋汾字誤也遂城及臨樂日括地志云臨御故城在幽
州同安六與燕燕以葛武陽日括地志云葛城在高陽○正
十七里也與燕燕以葛武陽日括地志云葛城在高陽○正
各西河城在瀛州高平舒日括地志云平舒故城在蔚州靈丘縣
北九十里也與趙二十年秦王攻初立秦拔我晉陽二
十一年孝成王卒廉頗將政繁陽○徐廣曰在頓立
志云繁陽故城在相州內黃縣東北二
十里應劭云繁水之北故曰繁陽也取之使樂乘代
之廉頗攻樂乘樂乘走廉頗亡入魏子偃立是

為悼襄王悼襄王元年大備徐廣曰一作脩○正義曰行大備之禮也

魏欲通平邑中牟之道不成正義曰平邑在魏州昌樂縣東北三十里相州

分陰縣西五十八里有牟山按中牟山之側時二年李牧

將攻燕拔武遂方城徐廣曰武遂屬安平○正義曰括地志云易州遂城戰國時武遂城

也方城故在幽州固安縣南十七里時二邑屬燕趙使李牧拔之也秦召春平君因而留

之泚鈞正義曰人名也為之謂文信侯曰春平君者

趙王甚愛之而郎中妬之故相與謀曰春平君

入秦秦必留之故相與謀而內之秦也今君留

之是絕趙而郎中之計中也君不如遣春平君

而留平都正義曰括地志云平都縣在新興縣與陽周縣相近春平君者

言行信於王王必厚割趙而贖平都文信侯曰

善因遣之徐廣曰年表云太子從質秦歸城韓臯三

年龐煖將攻燕禽其將劇辛四年龐煖將趙楚

魏燕之銳師攻秦最徐廣曰在新豐不拔移攻齊取饒

安徐廣曰在渤海又云饒屬北海安屬平原五年

傳抵正義曰上音付下將居平邑慶舍將東陽正義

曰屬貝州在河外師守河梁正義曰河外阿南岸六

年封長安君以饒正義曰即饒陽也瀾州饒陽縣東二

魏與趙鄴九年趙攻燕取狸陽城正義曰按燕

字誤當作漁陽故城在檀州密雲縣南十八里燕漁陽郡兵

未罷秦攻鄴拔之徐廣曰今饒陽在河間又悼襄王

卒子幽繆王遷立幽繆王遷元年徐廣曰又云潛

王丹生悼襄王偃偃生今王遷年表及史考趙遷皆無謚

之後人臣竊追謚之太史城柏人二年秦攻武城徐

敗武平陽秦扈輒率師救之軍敗死焉三年秦攻

赤麗宜安正義曰括地志云宜安故城在李牧率師

與戰肥下正義曰括地志云肥壘故城在恒州橐城却

之封牧為武安君四年秦攻番吾正義曰上音婆

括地志云蒲吾城在恒州房山縣東二十里也李牧與之戰却之五年代地

大動自樂徐以西徐廣曰北至平陰在晉州平陰

在汾 臺屋墻垣大半壞地圻東西三十步

也 曰其圻溝見在亦 在晉汾二州界也 六年大飢民謔言曰趙為號秦

為笑以為不信視地之生毛七年秦人攻趙趙

大將李牧將軍司馬尚將擊之李牧誅司馬尚

免趙忽及齊將顏聚代之趙忽軍破顏聚云去

以王遷降 正義曰淮南子云趙王遷流於陵房思故鄉則

王遷墓在房州房 陵縣西九里也 八年十月邯鄲為秦 淮南子曰趙

陵思故鄉作為山水之 誣聞之者莫不流涕

太史公曰吾聞馮王孫曰趙王遷其母倡也 徐廣

曰列女傳曰 邯鄲之倡 嬖於悼襄王悼襄王廢適子嘉而立

遷遷素無行信讒故誅其良將李牧用郭開豈

不謬哉秦既虜遷趙之亡大夫共立嘉為王王

代六歲秦進兵破嘉遂滅趙以為郡

索隱述替曰

趙氏之世 與秦同祖 周穆平徐

乃封造父 帶始事晉 夙初有土

岸賈矯誅 韓厥立武 寶符臨代

卒居伯魯 簡夢翟大 靈歌處女

胡服雖彊 建立非所 頗牧不用

王遷囚虜

趙世家第十三

史記四十三

史記卷之十三

史記卷之十三

